

叙

世稱唐山人詩瓢弟謂隱居獨善者流耳以余觀



其行事固介然節義士也當山人投詩江中匿影  
韜聲得一人知己足矣遑計千百世後哉迺一瓢  
泛泛若爲蛟龍所護持不滅沒於驚濤怒湍之中  
而光氣歷代猶新豈無故歟蓋山人生唐末不屈

志權帥亮節高風可干霄漢故其寄之於詩精靈  
炳朗不受銷沉有如斯也。今讀其詩僅三十餘首  
蒼勁閒逸。猶可想見其人嗟乎夫人欲以布衣雄  
世而無鐵石心風霜氣譬一籜葉空中翱翔耳亦  
何繫輕重於人代乎余爰青夕於中唐人中獨取  
數家可謂矜重矣而山人在焉非其介然之節義  
有合而取之也耶青夕謂余曰此蜀人也子叙之  
余烏足以知山人姑就其大節論之如此蜀遂寧

呂潛撰

中唐唐球詩目

古寺

贈著上人

贈行如上人

題鄭處士隱居

馬嵬感事

和舒上人山居即事

夜上隱居寺

友人見訪不值因寄

邊將

秋寄江舒公

塗次偶作

舟行夜泊夔州

酬友生早秋

送友人歸邛州

發邛州寄友人

山東蘭若遇靜公夜歸

唐詩一  
邛州水亭夜讌送顧非熊之官

送友人江行之廬山肄業

曉發  
題楊山人隱居

客行  
山居偶作

贈道者  
題青城山范賢觀

題友人寓居  
題李少府別業

贈楚公  
送僧講罷歸山

贈王山人  
傷張玠秀才

庭竹  
題常樂寺

巫山下作  
酬舒公見寄

送劉鍊師歸山

唐 球

古 寺

路傍古時寺寥落藏金容破塔有寒草壞樓無曉  
鐘亂紙失經偈斷碑分篆蹤日暮月光吐繞門千  
樹松

贈著上人

掩門江上住盡日更無為古木坐禪處殘星鳴磬  
時水澆冰滴滴珠數  
■ 纍纍自有閒行伴青藤杖  
枝

贈行如上人

不知名利苦念佛老岷城衲補雲千片香焚篆一  
窠戀山人事少憐客道心多日日齋鐘後高懸瀟  
水羅

題鄭處士隱居

失粘詩

不信最清曠及來愁已空數點石泉雨滿溪霜葉  
風業在有山處道成無事中酌盡一尊酒病老  
夫顏亦紅

馬嵬感事

冷氣生深殿狼星渡遠關九城鼙鼓內千騎追途  
間鳳髻隨秋草鑿輿入暮山恨多雷不得悲淚滿  
龍顏

和舒上人山居卽事

此境已見前  
敗葉填溪路殘陽過野亭仍彈一滴水更讀兩張  
經。暝鳥爐中見寒鐘竹裏聽不多山下去人世盡  
羶腥

夜上隱居寺

尋師擬學空空住虎溪東千里照山月一枝驚鶴

風年如流去。水山似轉來。蓬盡日都無事。安禪石窟中。

友人見訪不值因寄

門戶寒江近。籬牆野樹深。晚風搖竹影。斜日轉山陰。砌覺披秋草。牀驚倒古琴。更聞隣舍說。一隻鶴來尋。

邊將

三千護塞兒。獨自滯邊陲。老向二毛見。秋從一葉知。地寒鄉思苦。天暮角聲悲。却被交親笑。封侯未

有期

秋寄江舒公

故人何處望。秋色滿江濱。傍水溪蟲亂。過橋山路分。鶴歸松上月。僧入竹間雲。莫惜中宵磬。從教夢裏聞。

塗次偶作

歲月客中銷。崎嶇力自招。問人尋野寺。牽馬渡危橋。為雨疑天晚。因山覺路遙。前程何處是。一望又迢迢。

舟行夜泊夔州

維舟鏡面中。迥對白鹽峰。夜靜沙隄月。天寒水寺鐘。  
故園何日到。舊友幾時逢。欲作還家夢。青山一萬重。

酬友生早秋

彤雲將欲罷。蟬柳響如秋。霧散九霄近。日程三伏愁。  
殘陽宿雨霽。高浪碎沙漚。祛足餘旬後。分襟任自由。

送友人歸邛州

鶴鳴山下去。滿篋荷瑤琨。放馬荒田草。看碑古寺門。  
漸寒沙上雨。欲暝水邊村。莫忘分襟處。梅花撲酒樽。

發邛州寄友人

茫茫驅一馬。自歎又何之。出郭見山處。待船逢雨時。  
曉雞鳴野店。寒葉墮秋枝。寂寞前程去。閒吟欲共誰。

山東蘭若遇靜公夜歸

松門一徑微。苔滑往來稀。半夜聞鐘後。渾身帶雪歸。



歸問寒僧接杖。辨語犬銜衣。又是安禪去。呼童開

竹扉。

一幅雪中歸寺圖 峰前路徑歸時光景 峰後情事一寫得活現 雲以詩品論 杜調高老字句 蒼勁為城前八氣味耶

邛州水亭夜讌送顧非熊之官

寂寞邛城夜。寒塘對庾樓。蜀關蟬已噪。秦樹葉應秋。道路連天遠。笙歌到曉愁。不堪分袂後。殘月正如鉤。

送友人江行之廬山肄業

蜀國初開棹。廬峯擬拾螢。獸皮裁褥暖。蓮葉製衣馨。楚水秋來碧。巫山雨後青。莫教銜鳳詔。三度到

中庭

曉發

旅館候天曙。整車趨遠程。幾處曉鐘斷。半橋殘月明。沙上鳥猶在。渡頭人未行。去去古時道。馬嘶二兩聲。

題楊山人隱居

深山道者家。門戶帶煙霞。綠綴沙岩草。紅飄落水花。半庭栽小樹。一徑掃平沙。往往溪邊坐。持竿到日斜。

客行

上山下山去千里萬里愁樹色野橋暝雨聲孤館  
秋南北眼前道東西江畔舟世人重金玉無金徒  
遠游

山居偶作

趨名逐利身終日走風塵還到水邊宅却為山下  
人僧教開竹戶客許戴紗巾且喜琴書在蘇生未  
厭貧

贈道者

披霞戴鹿胎歲月不能催飯把琪花煮衣將藕葉  
裁鶴從歸日養松是小時栽往往樵人見溪邊洗  
藥來

題青城山范賢觀

數里緣山不厭難為尋真訣問黃冠苔鋪翠點仙  
橋滑松織香梢古道寒晝傍綠畦蕓嫩玉夜開紅  
竈燃新丹鐘聲已斷泉聲在風動茅花月滿壇

題友人寓居

寓居無不在天涯莫恨秦關道路賒繚繞城邊山

中唐詩六  
是蜀灣環門外水名巴。黃頭卷席賓初散。白鼻嘶  
風日欲斜。何處一聲金磬發。古松南畔有僧家。

題李少府別業

尋得仙家不姓梅。馬嘶人語出塵埃。竹和庭上春  
煙動。花帶溪頭曉露開。繞岸白雲終日在。傍松黃  
鶴有人來。何年亦作園基伴。一到松間醉一迴。

贈楚公

曾聞半偈雪山中。貝葉翻時理盡通。般若恒添持  
戒力。落叉誰筭念經功。雲間曉月應難染。海上虛

舟自信風。長說滿庭花色好。一枝紅是一枝空。

送僧講罷歸山

休將如意辯真空。吹盡天衣任曉風。共看玉蟾三  
皎潔。獨懸金錫一玲瓏。巖間松桂秋煙白。江上樓  
臺晚日紅。依舊曹溪念經處。野泉聲在草堂東。

贈王山人

紅藤一柱脚常輕。日日緣溪入谷行。山下有家身  
未老。竈前無火藥初成。經秋少見閒人說。帶雨多  
聞野鶴鳴。知到蓬萊難再訪。問何方法得長生。

傷張玘秀才

銅梁劔閣幾區區。十上探珠不見珠。卞玉影沉沙  
草闌。驂騑聲斷隴城孤。入關詞客秋懷友。出戶孀  
妻曉望夫。吳水楚山千萬里。旅魂歸到故鄉無。

庭竹

月籠翠葉秋承露。風亞繁梢暝掃煙。知道雪霜終  
不變。永留寒色在庭前。

題常樂寺

桂冷香聞十里間。殿臺渾不似人寰。日斜迴首江

頭望。一片閒雲落後山。

巫山下作

細腰宮盡舊城摧。神女歸山更不來。唯有楚江斜  
日裏。至今猶自繞陽臺。

酬舒公見寄

無客不言雲外見。爲文長遣世間知。一聲松徑寒  
吟後。正是前山雪下時。

題劉鍊師歸山

風急雲輕鶴背寒。洞天誰道却歸難。千山萬水瀛

中唐詩八  
洲路何處煙飛是醮壇。

沈下賢集序

文章盛衰與世升降唐之文風大振于正元元和之間韓柳唱其端劉白繼其軌當時學者涵濡游詠攬其英華洗濯磨淬輝光日新苟有作者皆足以拔出流俗自成一家之語則吳興之文是已公諱亞之字下賢吳興人元和十年進士第歷辟藩府嘗遊韓愈門李賀許其工爲情語有窈窕之思其後杜牧李商隱俱有擬沈下賢詩則當時稱聲甚盛而存於今者既不盡見世之所有後舛錯訛

唐詩一  
謬脫文漏句十有三二頃得善本再加校覆皆得  
其正惜其藏于篋笥不得與好學之士共其翫繹  
因命工刊鏤以廣其傳元祐丙寅十月一日題

中唐沈亞之詩目

○村居

○虎丘山真娘墓

○別龐子肅

答殷堯藩贈罷涇原記室

宿白馬津寄寇立

送文穎上人還天台

○宿後自華陽行次昭應寄王直方

○夢中作二首

題海榴樹呈八叔大夫

○五月六日發石頭城望前船示舍弟兼寄侯郎

春色滿皇州

汴州船行賦岸傍所見

西蕃請謁廟

勸政樓下百官獻壽

山出雲

曲江亭望慈恩杏花發

春詞酬元微之

題侯仙亭

送龐子肅

沈亞之

村居

無樹巢宿鳥。無酒共客醉。月上蟬韻殘。梧桐陰繞地。獨出村舍門。吟劇微風起。蕭蕭蘆荻叢。叫嘯如山鬼。應緣我憔悴。為我哭秋思。

虎丘山真娘墓

金釵淪劍壑。茲地似花臺。神情之略油壁何人值。一許錢塘

度曲哀翠餘。可危句長染柳香重。欲薰梅。但道行雲去。應

隨魂夢來。有窈窕之思于此可見

別龐子肅

自爲應仙才。丹砂鍊幾迴。山秋夢桂樹。月曉憶瑤臺。  
雨。雪。依。巖。別。煙。雲。逐。步。開。今。朝。龍。仗。去。早。晚。鶴。  
車。來。有情有景。子安之至。看其章法。節以處。玩其言詞。自靜矣。

答殷堯藩贈罷涇原記室

勞君輟雅話。聽說事塲塲。提筆從征口。飛書始伏羌。  
河流辭馬嶺。節臥聽龍驤。孤負平生劍。空憐射斗光。

宿白馬津寄寇立

客思聽蛩嗟。秋懷似亂砂。劍頭懸日影。蠅鼻落江花。  
天外歸鴻斷。漳南別路賒。聞君同旅舍。幾得夢還家。

送文穎上人還天台

露花浮翠瓦。鮮思起芳叢。此際斷客夢。况復別志公。  
既歷天台去。言過赤城東。莫說人間事。崎嶇塵土中。

宿後自華陽行次昭應寄王直方

重歸能幾日。物意早知春。暖色鮮驪岫。寒聲別雁



羣川光如戲劍。帆態似翔雲。爲報東園蝶。南枝日  
已。曛。

夢中作

泣葬一枝紅。生同死不同。金鈿墜芳草。香繡滿春  
風。舊日聞簫處。高樓當月中。梨花寒食夜。深閉翠

微宮。謂之為情語于夢可見 夢中作故得句甚清虛幽宮

題海榴樹呈八叔大夫

曾在蓬壺伴衆仙。文章枝葉五雲鮮。幾時奉宴瑤  
臺下。何日移榮玉砌前。染日裁霞假雨露。凌寒送

暖。古風煙。應笑強如河畔柳。逢波隨浪逐張騫。

五月六日發石頭城望前船示舍弟兼寄侯

郎

客子去淮陽。逶迤別夢長。水關開夜鑰。霧棹起晨  
涼。煙月期同賞。風波忽異行。隱山曾撼櫓。轉瀨指  
遙橋。蒲菜吳刀綠。筠筒楚粽香。因書報司遠。爲我

憶檀郎

春色滿皇州

何處春輝好。偏宜在雍州。花明夾城道。柳暗曲江

中唐詩三  
頭風軟遊絲重。光融瑞氣浮。鬪雞憐短草。乳燕傍  
高樓。繡轂盈香陌。新泉溢御溝。迴看日欲暮。還騎  
似川流。

汴州船行賦岸傍所見

古木曉蒼蒼。秋林拂岸香。露珠蟲網細。金縷兔絲  
長。秋浪時迴沫。驚鱗乍觸航。蓬煙拈綠線。棘實綴  
紅囊。亂穗搖鼉尾。垂根挂鳳腸。聊持一濯足。誰道  
北滄浪。

西蕃請謁廟

肅肅層城裏。巍巍祖廟清。聖恩覃布濩。異域獻精  
誠。冠蓋分行列。戎夷辨姓名。禮終齊百拜。心潔表  
忠貞。瑞氣千重色。簫韶九奏聲。仗移迎日轉。旌動  
逐風輕。休運威儀正。年推俎豆盈。不才慙聖澤。空  
此望華纓。

勸政樓下百官獻壽

御氣黃花節。臨軒紫陌頭。早陽生彩仗。霽色入仙  
樓。獻壽皆鴛鴦。瞻天在冕旒。菊罇開九日。鳳曆啓  
千秋。樂闋祥煙起。杯酣瑞影收。年年歌舞夕。此地

慶皇休。

山出雲

片雲朝出岫。孤色迥難親。蓋小辭山早。根輕觸石新。飄揚經綠野。明麗照青春。拂樹疑舒葉。臨江似結鱗。從龍方有感。捧日豈無因。看助爲霖去。恩沾雨露均。

曲江亭望慈恩杏花發

曲臺晴好望。近接梵王家。十畝開金地。千株發杏花。帶雲猶誤雪。映日欲欺霞。紫陌傳香遠。紅泉落影斜。園中春尚早。亭上路非賒。芳景偏堪賞。其如積歲華。

春詞酬元微之

黃鳥啼時春日高。紅芳發盡井邊桃。美人手暖裁衣易。片片輕花落剪刀。

題侯仙亭

新勑仙亭覆石壇。雕梁峻宇入雲端。嶺北嘯猿高枕聽。湖南春色卷簾看。

送龐子肅

沈亞之

唐詩五  
三年遊宦也。逃津馬困長安九陌塵。都作無成不  
歸去。古來妻嫂笑蘇秦。

夢中作。

君王多感放東歸。從此秦宮不復期。春景自傷秦  
喪主。落花如雨淚燕脂。

叙

儲君卽御史光羲之後。大中十三年進士及第。其  
生平事蹟不多見。而僅傳其詩。夫光羲生際盛時。  
名駕王右丞上。今讀嗣宗詩。如臣心瞻北闕。家事  
在南荒。及從來憶家淚。今日送君歸。聲調堅老。居  
然少陵風味。至獨立望秋草。野人耕夕陽。片水明

在野萬花深見人諸調何遽不如先人及右丞田  
家諸詩也獨惜嗣宗噪名不逮先人而唐詩紀事  
八十一卷上自宗室下及閨秀浮屠無不採核精  
確而獨于嗣宗畧焉此固時會有升降抑嗣宗落  
落於世而不事浮名無從表著歟觀其宿范水詩  
自謂倦游概可知矣古鹽宋曹題

中唐儲嗣宗詩目

早春

登蕪城

村月

滄浪峽

垓城

南陂遠望

宿玉簫宮

晚眺徐州延福寺

送道士

送李秘書往儋州

宿山館

入浮石山

得越中書

題雲陽高少府

秋墅

送人歸故園

宿范水

送顧陶校書歸錢塘

聖女祠

春遊望仙谷

吳宮

經故人舊居

贈別

送友人遊吳

贈隱者

早春懷薛公裕

孤雁

過王右丞書堂二首

宿日棠館

巢鶴

胡山

小樓

和茅山高拾遺憶山中雜題山泉一首

山隣

隨邊使過五原

宋州月夜感懷

春懷寄秣陵知友

長安懷古

哭彭先生

和顧非熊先生題茅山處士閒居

儲嗣宗

早春

野樹花初發。空山獨見時。踟躕歷陽道。鄉思滿南枝。

登蕪城

昔人登此地。丘壘已前悲。今日又非昔。春風能幾時。

村月

月午籬南道。前村半隱林。田翁獨歸處。喬麥露花

中唐詩 儲嗣宗

深。

滄浪峽

滄浪臨古道。道上石成塵。自有滄浪峽。誰爲無事人。

垓城

百戰未言非。孤軍驚夜圍。山河意氣盡。淚濕美人衣。

南陂遠望

開門橫古塘。紅樹已驚霜。獨立望秋草。野人耕夕陽。孤煙起蝸舍。飛鷺下漁梁。唯有田家事。依依似故鄉。

宿玉簫宮

塵飛不到空。露濕翠微宮。鶴影石橋。月簫聲。松殿風。綠毛辭世女。白髮入壺翁。借問燒丹處。桃花幾遍紅。

晚眺徐州延福寺

杉風振旅塵。晚景藉芳茵。片水明在野。萬花深見人。靜依歸鶴思。遠惜舊山春。今日誰攜手。寄懷吟



白蘋。

送道士

冷然御風客。與道自浮沉。黃鶴有歸語。白雲無忌心。藥爐經月淨。犬路入壺深。從此分杯後。相思何處尋。

送李秘書往儋州

魍魅曾爲伍。蓬萊近拜郎。臣心瞻北闕。家事在南荒。莎草山城小。毛洲海驛長。玄成知必大。寧是泛滄浪。

宿山館

寂寞對衰草。地涼凝露華。蟬鳴月中樹。風落客前花。山館無宿伴。秋琴初別家。自憐千萬里。筆硯寄生涯。

入浮石山

斜日出門去。殘花已過春。鳥聲穿葉遠。虎跡渡溪新。入洞幾時路。耕田何代人。自慙非避俗。不敢問迷津。

得越中書

芳草離離思悠悠。春夢餘。池亭千里月。煙水一。其  
書。詩想懷康樂。文應弔子胥。扁舟戀南越。豈獨爲  
鱸魚。

題雲陽高少府

大隱能兼濟。軒牕逐勝開。遠含雲水思。深得棟梁  
材。吏散山逾靜。庭閒鳥自來。更憐幽砌色。欲雨長  
莓苔。

秋墅

欲暮候樵者。望山空翠微。虹隨餘雨散。鴉帶夕陽  
歸。窮巷長秋草。孤村時擣衣。誰知多病客。寂寞掩  
柴扉。

送人歸故園

遠節慘言別。況予心久違。從來憶家淚。今日送君  
歸。野路正風雪。還鄉猶布衣。里中耕稼者。應笑讀  
書非。

宿范水

行人倦遊宦。秋草宿湖邊。露濕芙蓉渡。月明漁網  
船。寒機深竹裏。遠浪到門前。何處思鄉甚。歌聲聞

採蓮

送顧陶校書歸錢塘

清苦月偏知。南歸瘦馬遲。橐輕緣換酒。髮白為吟詩。水色西陵渡。松聲伍相祠。聖朝思直諫。不是挂冠時。

聖女祠

石屏苔色涼。流水遶祠堂。巢鵲疑天漢。潭花似鏡粧。神來雲雨合。神去蕙蘭香。不復聞雙佩。山門空夕陽。

春遊望仙谷

清無車馬塵。深洞百花春。雞犬疑靈藥。耕桑似避秦。登山採樵路。臨水洗紗人。若得心無事。移家便卜鄰。

吳宮

荒臺荆棘多。忠諫竟如何。細草迷宮巷。閒花悞綺羅。前溪徒自綠。子夜不聞歌。悵望清江暮。悠悠東去波。

經故人舊居

中唐詩 儲嗣宗

萬里訪遺塵。鶯聲淚濕巾。古書無主散。廢宅與山  
隣。宿草風悲夜。荒村月弔人。淒涼問殘柳。今日爲  
誰春。

贈別

蘭澤傷秋色。臨風遠別期。東城草雖綠。南浦柳無  
枝。直道豈易枉。暗投誰不疑。因君問行役。有淚濕  
江籬。

送友人遊吳

吳山清楚吟。草色異鄉心。一酌水邊酒。數聲花下  
琴。登樓舊國遠。探穴九疑深。更想逢秋節。那堪聞  
夜砧。

贈隱者

盡室居幽谷。亂山爲四隣。霧深知有術。牕靜似無  
人。鶴語松上月。花明雲裏春。生涯更何許。尊酒與  
垂綸。

早春懷薛公裕

幽獨自成愚。柴門日漸蕪。陸機初入洛。孫楚又遊  
吳。失意怨楊柳。異鄉聞鷓鴣。相思復相望。春草滿

南湖

孤雁

孤雁暮飛急。蕭蕭天地秋。關河正黃葉。消息斷青樓。湘渚煙波遠。颺山風雨愁。此時萬里道。魂夢遶滄洲。

過王右丞書堂二首

澄潭昔臥龍。章句世為宗。獨步聲名在。千巖木石空。野禽悲灌木。落日弔清風。後學攀遺址。秋山聞草蟲。

萬樹影參差。石牀藤半垂。螢光雖散草。鳥蹟尚臨池。風雅傳今日。雲山想昔時。感深蘇屬國。千載五

言詩。右丞昔陷賊庭故有此句

宿甘棠館

塵蹟入門盡。悄然江海心。水聲巫峽遠。山色洞庭深。風桂落寒子。嵐烟凝夕陰。前軒鶴歸處。蘿月思沉沉。

巢鶴

千萬雲間丁令威。殷勤仙骨莫先飛。若逢茅氏傳

中唐詩 儲嗣宗

消息。貞白先生不久歸。

胡山

犬入五雲音信絕。鳳樓凝碧悄無聲。焚香古洞步  
虛夜。露濕松枝空月明。

小樓

松杉風外亂山青。曲几焚香對石屏。空憶去年春  
雨後。燕泥時污太玄經。

和茅山高拾遺憶山中雜題山泉一首

香味清機仙府回。縈紆亂石便流杯。春風莫泛桃  
花去。恐引凡人入洞來。

山隣

石橋春澗已歸遲。夢入仙山山不知。柱史從來非  
俗吏。青牛道士莫相疑。

隨邊使過五原

偶逐星車犯口塵。故鄉常恐到無因。五原西去陽  
關廢。日沒平沙不見人。

宋州月夜感懷

雁池衰草露霑衣。河水東流萬事微。寂寞青陵臺

上月秋風滿樹鵲南飛

春懷寄秣陵知友

廬江城外柳堪攀。萬里行人尚未還。借問景陽臺下客。謝家誰更臥東山。

長安懷古

禍稔蕭牆終不知。生人力屈盡邊陲。赤龍已赴東方暗。黃犬徒懷上蔡悲。面缺崩城山寂寂。土埋冤骨草離離。秋風解怨扶蘇死。露泣堙愁紅樹枝。

哭彭先生

谷口溪聲客自傷。那堪嗚咽弔殘陽。空階鶴戀丹青影。秋雨苔封白石淋。王祭孤兒初學語。無媒旅襯未還鄉。門人遠赴心喪夜。月滿千山舊草堂。

和顧非熊先生題茅山處士閣

歸耕地肺絕塵喧。匣裏青萍未授恩。濁酒自憐終日醉。古風時得野人言。鳥啼碧樹閒臨水。花滿青山靜掩門。唯有階前芳草色。年年惆悵憶王孫。